

中國方志叢書·華北地方·第二六七號


陝西
省

寧羌州鄉土志

(全)

據清·陳芑芬等輯影印
民國燕京大學圖書館鉛印本

成文出版社有限公司印行



中華民國五十八年 月臺一版

甯羣州鄉土志

全一冊

發行人：黃成助

台北郵政信箱二二六〇五號

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：新高美印製有限公司

三重市長興街九十三號

內政部登記證內版台業字第一一四七號

寧羌州鄉土志目錄

歷史

建置沿革

政績錄

兵事錄

耆舊錄

節烈

人類

戶口

氏族

宗教

實業

九

四

一

一五

二三

二二

二一

二五

二五

地理
境界

區劃

山脉

水誌

道路

物產

商務

二五
二三

三四
三三

三七

三八

三九

寧羌州鄉土志目錄

歷史

建置沿革

政績錄

兵事錄

耆舊錄

節烈

人類

戶口

氏族

宗教

實業

一
一
一
四
九
一五
一三
一三
一三
二五
二五

地理
境界

區劃

山脉

水誌

三二

道路

三四

物產

三八

商務

三九

寧羌州鄉土志

漢中府寧羌州知州陳芑芬督輯

教員附生黎彩彰採輯

歷史

建置沿革

本州建衛在明代之初其先稱羊鹿坪禹貢梁州之域也周以前爲氐羌所據春秋戰國時白馬氐據其西境蜀據其東境秦并蜀置蜀郡全境屬焉漢初分置廣漢郡地屬葭萌縣武帝元鼎六年平南夷以廣漢西白馬故地置武都郡遂分屬於沮縣後漢建安二十三年蜀先主改屬梓潼郡漢壽縣晉及後魏屬晋壽縣隨屬義成郡縣谷縣唐武德四年析縣谷置三泉縣兼置南安州及嘉牟縣尋廢州及嘉牟而以縣屬利州天寶元年改屬漢中郡宋乾德五年以縣直隸京師至道元年建爲大安軍屬利州路元初爲大安州至元二十年降爲大安縣屬沔州又

省三泉入之明洪武二十九年僧人田九成據馬面山卽龍頭山作亂太祖命將討平之明年遣指揮姜觀建寧羌衛省大安縣至成化二十九年增建州治於衛南領沔略二縣崇禎時解所領以州隸漢中府 本朝因之自 國初至今未有所變更

政績錄

本州未建置以前寄隸他郡政績無攷自改建州治後始稍稍有可稱述而舊志散佚缺略太多又不能盡載其事蹟故於興利去害聽訟諸大端亦幾無實事可徵茲就聞見所及特述其大略如左

興利

明

張簡江西弋陽舉人宏治初蒞州時草昧初開諸多未備公悉心經理百務並興凡州治一切建築多創始於此又循五丁舊蹟鑿山通道蠶叢大關
謝彥山西蒲州舉人正德中蒞州時藍鄖之亂甫平邑里蕭條人心浮動公能持

廉節費愛養拊循作士勸農鋤強扶弱爲一時循良之冠

李應元四川雅州舉人嘉靖初蒞州以山民不知水利特鑿七里堰引水灌田千餘畝獲利甚饒民自是爭相仿效凡山間平地有水之處概成良田

盧大謨直隸永平舉人萬歷中蒞州修舉廢墜不遺餘力尤加意津梁嘗建大安橋以惠行旅

國朝

李楷江南長洲舉人康熙初蒞州時天下新定又值吳逆之變擾攘頻年公興學校重民務盡心撫字民以稍寧

劉榮山東諸城進士乾隆九年由湖南長沙縣陞任至州值歲大饑開倉賑濟不待報可嘗以山地磽砌鮮有人耕而歲賦正供額浮於地請核實裁減事得施行又教民因山畜蠶授以繅織之法民賴其利呼爲劉公繭後陞四川布政使入祀名宦並有專祠祀之

鄭緒章江蘇吳縣舉人嘉慶十七年蒞州銳意興學教養兼施常建振文書院與

諸生講學其中歷寒暑不輟所著有居業錄續書摘要錄若干卷餉遺後學惜不傳

張廷槐四川奉節人道光十年蒞州盡心民事常於棧道左右植桑萬株皆捐俸爲之又勸民種麥以濟春食並請出借穀石爲補助之計民至今稱之

李修德山西解州人光緒五年蒞州以州北玉帶河巨浸瀰漫夏秋盛漲民多病涉乃倡建鐵索橋於河上親臨監督規製宏敞兼置有歲修常歛以時葺治行人永便

去害

明

梁成四川巴縣舉人宏治初蒞州認真吏治法令嚴明一時奸吏猾胥豪暴之徒屏息斂迹政簡刑清

陳放直隸寧國舉人亦宏治間任時有山賊竊發竄擾至州孤壘無援勢甚岌岌公竭力堅守卒退賊兵民服其勇

鍾湛靈山西澤州舉人隆慶間蒞州以里甲相沿日久弊竇叢生吏得因緣爲奸侵漁鄉里乃更省之積弊盡除民頌其德

國朝

劉應祥湖南新化人咸豐六年以進士知州事適州西有布商李姓聚衆與回民賽氏爲難戕其一家因官捕逮甚急遂保聚山間大吏發兵勦之公聞止兵境上親往諭以利害衆散李就捕民皆安堵獲免於兵

楊吉雲湖北鄖西人同治四年蒞州時髮捻初靖游匪散兵相屬於路寧境適當川口煩擾尤甚公乃盡法懲治不稍假借邑境以清

陳景修福建閩縣人同治七年蒞州以惡役藉端生事魚肉鄉民特治其最豪暴者一人闔境肅然差風爲之稍戢

何福奎山西靈石人光緒元年蒞州三年全奏大饑州民嗷嗷待哺公設法賑濟全活甚多又捐置義倉穀一千六百餘石爲永久之備後任繼之共捐穀六千三百餘石民食攸資

三
二
二
聽訟

明

王儒山西澤州舉人嘉靖初蒞州清廉耿介勸學愛民民有訴訟者公以情理論解之使兩造俱服而退

審笏河南河內舉人萬歷初蒞州吏事精敏剖判如流有疑獄數年不結公一訊即得其情民無枉者

國朝

趙燾山東膠州進士順治中蒞州清儉和易惠愛士民尤慎於讞獄每慮囚矜恤周至寃抑獲伸

劉懋功山東膠州進士幼聰慧人稱神童咸豐十一年蒞州精明果斷人莫能欺每聽訟虛心研問務盡其情而禁吏役多言有犯者輒重懲不貸民皆服之

金玉麟四川巴州人同治二年以翰林散館知州事慈惠廉明勤於聽受民無不達之隱後髮逆陷城死於難賊將其屍特爲具棺以斂且張僞檄於櫬上大書此

係陝西好官該士民應將其靈柩好爲照護妥送回籍云

羅驥四川丹陵人同治十年蒞州振興學校勸課農桑孜孜焉惟恐不及尤善聽斷發奸摘伏如神而廉不受私居二年吏無骩法人無遁情士民共德之爲立清官坊以頌其美

此外於明有方世讓湖廣巴陵舉人嘉靖初蒞州持躬清介銳意好士州務一新王一鳴山東齊東舉人嘉靖中蒞州政宗大體濟以嚴明尤敬禮賢士遷長史有去思碑 胡之寧湖廣人萬歷中蒞州有惠政民曾立祠祀之 熊嶽秀河南舉人亦萬歷間任興學養士造就多方

國朝

康熙間有裘龍杭州人清廉耿介慈愛使民以詐誤去士民冤之

兵事錄

本境據秦蜀要害右控階文左倚漢沔爲自古用兵必爭之地而山深箐密地勢險固又時有寇盜出沒其間故自秦漢至今西南有事則寧首當其衝誠兵事上

之要地也茲舉其最著者分述於後

秦王滅蜀

秦自春秋之季漸略地至漢中并通蜀厲共公二年蜀人來賂二十六年命左庶長城南鄭二十八年南鄭叛歸蜀惠公十三年仍伐蜀取南鄭惠文君元年蜀人來朝九年遣張儀司馬錯伐蜀滅之初王欲伐蜀苦無道乃作五石牛以金置尾下言能糞金蜀王負力而貪令五丁開道引之秦以兵隨其後遂滅蜀（今自沔縣西南至四川之大劍關口統謂之金牛道而州北四十五里有五丁山即五丁當日開道之處）

蜀魏之爭

蜀先主與魏爭漢中自葭萌東出陽平關（在今沔縣境）擊破魏兵後主時武侯數北伐屯兵漢中俱取道於此延熙十四年大將軍費禕駐漢壽景耀元年姜維建議以漢中兵退屯漢壽爲誘敵深入之計六年魏大舉伐蜀鄧艾從間道出陰平鍾會由駱谷至漢中攻陽安關口（即陽平關）蔣舒開城出降傅僉格鬪

而死維遣張翼董厥詣陽安至漢壽聞關城已破退保劍閣會遂長驅入蜀

南北之爭

南齊高帝元年晉壽民李烏奴與白水氏寇梁州（即漢中府）刺史范柏年說降之及朝廷遣王元邈代柏年詔與烏奴俱下烏奴勸柏年不受代柏年計未決或譖於齊主誘殺柏年烏奴遂復叛引氐兵爲寇王元邈誘擊破之明帝建武四年魏以氐帥楊靈珍爲南梁州刺史靈珍舉州降齊襲魏武興（魏置故址在略陽縣南）王楊集始據其城及魏克武興靈珍奔漢中梁武帝大同元年鄱陽王範刺史樊文熾合兵圍晉壽魏東益州（魏置卽武興）刺史傅敬和降沔縣諸地遂盡入南朝

王建之興

唐僖宗光啓元年王建扈蹕至興元（卽漢中府）有功詔帥所部兵戍三泉（故址在州東北）遙領壁州（唐置今四川保寧府通江縣）刺史尋授利州（今四川廣元縣）周庠說建曰唐祚將終藩鎮互相吞噬皆無雄材遠略不能勘

濟多難公勇而有謀得士卒心立大功者非公而誰然葭萌四戰之地難以久安閬州地僻人富刺史楊茂實不修職貢若表其罪興兵討之可一戰而擒也建從

之召募溪洞僕豪有衆八千沿嘉陵江（在州西）而下襲據閬州後遂併有全

蜀

宋之平宋

宋太祖乾德二年命王全斌伐蜀由鳳州路進討下興州（今略陽縣）進軍三
泉敗蜀兵數萬擒僞招討使韓保正副使李進獲糧三十萬斛旣而崔彥進康延
澤等逐蜀兵過三泉遂至嘉陵江殺虜甚衆

金人侵蜀

高宗紹興三年金人破饒風關（在興安石泉縣）入興元經略使劉子羽退保
三泉金人復深入至金牛鎮（在州東北）蜀中大震子羽以潭毒山（在今大
安鎮東北）形斗拔其上寬平有水乃築壘守之儲粟十餘萬石盡徙將士家屬
棚中積石數十百萬下臨蜀道敵至距營十數里子羽據胡牀坐壘口諸將泣告

曰此非待制坐處子羽曰子羽今日死於此金人尋亦引去初子羽至三泉從兵不滿三百與士卒取草芽木甲食之遺書邀吳玠共守三泉玠至不果留張浚欲移守潼川（今四川潼川府）子羽遺書力言已在此敵必不敢南浚乃止及金人北去子羽復遣兵追擊大破之蜀竟獲全

吳曦之叛

寧宗開禧三年吳曦獻階成和鳳四州於金求封蜀王據興州以叛馳檄招權知大安軍（即今大安鎮）楊震仲震仲辭疾不行謂軍敎授史次秦曰大安自武興而來爲西蜀第一州若首從其招則諸郡風靡矣顧力不能拒義死之曦遣吳鵬飛代震仲趨其行益急震仲遂仰藥死初曦叛四州之民不願臣金棄田宅推老稚順嘉陵而下過大安軍震仲計口給粟境內無餒死者曦盡驅驚移之民使還皆不肯行或赴江以死迨曦敗四州皆復嘉定十二年金人復侵四州入興元至大安軍沔州（今沔縣）都統張威遣統制石宣邀擊大破之殲其精兵三千人俘其將巴圖魯安金人乃遁去